

**“ТАСДИҚЛАЙМАН”
“Ўзстандарт” агентлиги
Бош директори**

**_____ А.А.Хаитов
“___” _____ 2017 й.**

**“Ўзстандарт” агентлиги
Ижро назорати бўлими тўғрисида
НИЗОМИ**

Тошкент 2017й.

**“ТАСДИҚЛАЙМАН”
“Ўзстандарт” агентлиги
Бош директори**

_____ **А.А.Хаитов**
“___” _____ **2017 й.**

Ижро назорати бўлими

НИЗОМИ

I. Умумий қоидалар

1.1. Ушбу Низом ижро назорати бўлими Ўзбекистон стандартлаштириш, метрология ва сертификатлаштириш агентлигининг марказий аппарати таркибий бўлинмаси ҳисобланади.

1.2. Ижро назорати бўлими “Ўзстандарт” агентлиги Бош директорига ва директор ўринбосарига бўйсунди.

1.3. Ижро назорати бўлими фаолияти бўйича ўзининг ҳуқуқ доирасида умумий бошқарув, мувофиқлаштириш ва назоратни амалга оширади, юқорида кўрсатилган соҳаларда иш олиб бориш умумий қоидаларини белгилайди.

1.4. Ижро назорати бўлими ўз фаолияти давомида Ўзбекистон Республикаси Конституцияси ва Қонунларига, “Жисмоний ва юридик шахсларнинг муурожаатлари” тўғрисидаги қонунга, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорларига, “Ўзстандарт” агентлиги буйруқлари ва қарорларига ҳамда ушбу Низомга амал қилган ҳолда иш юритади.

II. Асосий вазифалари ва функциялари

2.1. Қуйидагилар Ижро назорати бўлимининг асосий вазифалари

- “Ўзстандарт” агентлигига турли вазирлик ва ташкилотлардан келиб тушган хат, топшириқ ва мурожатномаларнинг белгиланган тартибда ва муддатларда кўриб чиқилиши ва ўз вақтида жавоблар юборилишини назорат қилиш;

- Жисмоний ва юридик шахслар мурожаатларини кўриб чиқилишини ва ўз вақтида жавоб хати юборилишини назорат қилиш ва ҳисоботлар юритиш;

- “Ўзстандарт” агентлигининг Хайъат мажлиси баён ва қарорларини, кенгайтирилган мажлис баённомаларини тайёрлаш ҳамда ижроси юзасидан назорат қилиш ва раҳбариятга ахборот киритиш;

2.2. Ижро назорати бўлими ўзига юкланган вазифаларни бажариш учун қуйидаги функцияларни амалга оширади:

- Ўзбекистон Республикаси Президентининг 2017 йил 11 апрелдаги “Ўзбекистон Республикаси Президентининг ҳужжат ва топшириқларини самарали ва натижали ижро этилиши, шунингдек ижро интизоми мустаҳкамланиши учун Ўзбекистон Республикаси Президентини Давлат маслаҳатчиларининг, Вазирлар Маҳкамаси ва унинг комплекслари, давлат ва ҳўжалик бошқаруви органлари ҳамда барча даражадаги ҳокимликлар раҳбарларининг шахсий жавобгарлиги тўғрисида”ги ПҚ-2881-сонли Қарори ижросини таъминлаш бўйича Ўзбекистон Республикаси Президентининг фармон, қарор ва фармойишлари ижроси юзасидан маълумотларни “Ўзстандарт” агентлиги бошқарма, бўлим, тизим ташкилотлари, ҳудудий СМБ ва ССМлардан олиб умумлаштириб раҳбариятга ва Ўзбекистон Республикаси Президенти Девонига киритади.

- “Ўзстандарт” агентлиги фаолиятига оид маълумотларни умумлаштиради ва Вазирлар Маҳкамаси ва раҳбариятга киритиб боради.

- “Ўзстандарт” агентлигининг иш режалари ва чора-тадбирлар режаларини ишлаб чиқади ҳамда назорат қилади.

- Техника воситалари, дастурий маҳсулотлар, моддий бойликлар ва инвентарнинг сақланишини назорат қилиш;

Ш. Ҳуқуқлари ва жавобгарлиги

3.1. Ижро назорати бўлими ўзига юкланган вазифалар ва функцияларни бажариш учун қуйидаги ҳуқуқларга эга:

- Ижро назорати масалаларини ҳал этиш учун тизим ташкилотлари ҳамда ҳудудий СМБ ва ССМлар мутахассисларини белгиланган тартибда жалб этиш;

- “Ўзстандарт” агентлигининг барча бошқарма, бўлим, тизим ташкилотлари ҳамда ҳудудий СМБ ва ССМлардан керакли маълумотларни қаршиликсиз олиш;

- Назоратда булган ҳужжатларни ўз вақтида бажарилишини масъул ходимлар (бош директор ўринбосари, бошқарма, бўлим бошлиқлари, ҳудудий бошқарма ва марказ раҳбарлари)га эслатиб туриш ва назорат қилиш;

- Ўзбекистон Республикаси Қонунлари, Олий Мажлис қарор ва топшириқлари, Ўзбекистон Республикаси Президентининг фармон, қарор ва фармойишлари, Ўзбекистон Республикаси Вазирлар Маҳкамасининг қарор, фармойиш ва топшириқлари шунингдек, “Ўзстандарт” агентлиги қарорларининг бажарилиши бўйича талаб қилинган ҳужжат ҳамда маълумотларни ўз вақтида, тўлиқ ёки умуман тақдим этмаган ёки камчиликларга йўл қўйган “Ўзстандарт” агентлиги бошқарма, бўлим, тизим ташкилотлари ҳамда ҳудудий СМБ ва ССМлар раҳбарларига ва ходимларига нисбатан чора кўриш бўйича таклифлар киритиш;

- “Ўзстандарт” агентлиги бошқарма, бўлим, тизим ташкилотлари ҳамда ҳудудий СМБ ва ССМлар фаолиятини ўз ваколати доирасида назорат қилиш;
- Ўзбекистон Республикасининг амалдаги қонунчилигида кўзда тутилган бошқа вазифаларни амалга ошириш.

IV. Жавобгарлиги

“Ўзстандарт” агентлигига келиб тушган Ўзбекистон Республикаси Қонунлари, Олий Мажлис қарор ва топшириқлари, Ўзбекистон Республикаси Президентининг фармон, қарор ва фармойишлари, Ўзбекистон Республикаси Вазирлар Маҳкамасининг қарор, фармойиш ва топшириқлари шунингдек, “Ўзстандарт” агентлиги қарорларининг бажарилиши устидан назорат қилиш ва ҳисоботларни белгиланган муддатларда киритилиши учун жавобгардир.

Бўлим бошлиғи ва унинг барча ходимлари ушбу Низомда кўзда тутилган функцияларнинг ўз вақтида бажарилиши учун, тақдим этаётган ва умумлаштирган маълумотномаларининг тўғрилиги учун, режа, топшириқлар, ички тартиб қоидалари бажарилиши, меҳнат, ишлаб чиқариш интизоми, меҳнат муҳофазаси, техника, ишлаб чиқариш, ёнғин хавфсизлиги қоидаларига риоя қилишга жавобгар ҳисобланади.